

靈寶領教濟度金書卷

二百四十九  
之二百五十

育八

靈寶領教濟度金書卷之二百四十九

二百五十一

同卷

育八

洞微高士開光救苦真人竈全真授

靈寶通玄弘教水南先生林靈真編

科儀立成品祈晴用

祈晴設醮儀

步虛 燒香頌

各禮師存念如法

宣衛靈呪

五星列照 煥明五方 水星却災 木德致昌

災惑消禍 太白辟兵 鎮星四據 家國利亨  
名刊玉簡 字錄帝房 乘飈散景 飛騰太空  
出入幽冥 遊宴十方 五雲浮蓋 招神攝風  
役使萬靈 上衛仙翁 和與道合 眞

鳴法鼓二十四通

育八

无上三天 玄元始三 炁太上道君 召出臣身  
中三五功曹 左右官使者 侍香金童 傳言玉  
女五帝直符 直日香官 各三十二人 出出者  
嚴裝關啓 玄壇天帝 神君當召 此間土地里  
域眞官正神 急上關啓臣 今奉爲入齋意 以

今陞壇設醮願得

玉清道炁靈寶妙光下降流入<sub>臣</sub>等身中即使玄壇清淨內外成真天无氛穢地絕妖塵琳琅振響十方肅清萬魔不干真誠上徹令<sub>臣</sub>所啓速達逕御

太上无極大道至真玉皇上帝御前

謹稱法位

具位

<sub>臣</sub>

某與臨壇官衆等謹同誠上啓

太上無極大道虛无自然元始天尊太上道

君太上老君昊天玉皇上帝高上神霄玉清

真王長生大帝高上神霄玉清真王青華大  
帝九天應元雷聲普化天尊九天雷祖大帝  
上清紫微碧玉宮太乙大帝六天洞淵大  
帝六波天主帝君可韓司丈人天尊九天採  
訪使天尊雷霆九司諸天省府東華西靈執

育八

二

職真衆洞天福地四海四瀆溪澗潭洞主宰  
龍神社稷山川城隍里域三界官屬一切真  
靈臣聞妙道杳冥運虛無而化育至真恍惚  
凝妙有以生成巍巍而綱紀難名蕩蕩而權  
衡莫測日月星宿高輝碧落之天草木山川

俯植黃垓之地無象之象自然而然凡形賦  
於範圍均氣凝於陶冶臣等朝悟脆質夕舜  
柔資佩微妙之金符強顏出岫戴希夷之玉  
策終志還山尤抱愆罪隨班奏對幸光明而  
濟下敢欣戴以由中今醮官某目覩雨陰心  
期晴霽荷玄穹之密應獲丹禱以潛通爰潔  
塵居肅陳淪祭伏望朱幢鳳葆赴閣道以逶  
迤翠蹕龍輿御端門之峻極齊臨黃道昭降  
玄壇十華之風鶴參陪三界之雲駿策翼不  
遺懇款俱會道場臣不勝激切顙望之至再

拜奉迎

聖駕

請聖

初獻

重稱法位

具位

臣某與臨壇官眾等謹同誠上啓

三清上聖十極高真圓穹之帝后仙真洞府

之曹僚主執醮筵内外一切真靈臣聞聖化

淵淪包太空而罔外神功混洞羅元始以開

光道彌覆載之中聖浹陰陽之表斡旋二炁

周六子而消息盈虛橐籥三才運五靈而裁

成動靜主張化育典領生成凡切切以皈依  
必昭昭而契合今醮官某仰瞻玄蓋俯軫黃  
輿念人爲萬物之靈耕食鑿飲而性稟五行  
之秀暑葛寒裘乃積雨以重陰莫開晴而見  
日山林昏翳顛風震蕩於迅雷岸谷崩摧惡  
浪翻飛於平地纏綿竟月播種無時更逾旬  
而淫潦不休必終歲而顆粒無發凶荒旣甚  
饑饉荐臻永惟大德之好生深慮小民之失  
所爰遵丹笈肆築玄壇懺罪消災期貫通於  
蒼昊上章行道冀昭格於玄穹早蒙應感之



恩即降允俞之命日光穿漏風雲靜而林麓  
形昭巨浪回源波濤平而溪澗聲息堤塘並  
築塍岸俱脩稻梁有吐穎之期禾黍多成實  
之候舉家捧腹闔室舒眉敢恭蘋藻之羞聊  
寓藿葵之敬有嚴有翼以謝以祈具有青詞

謹當宣奏

宣詞

青詞已露玄造孔昭伏冀帝監羅敷曲聽芻  
蕘之奏天威赫奕回聆葑菲之陳伶華振響  
以時歆符寶森嚴而日監珠彙泛玉龍煙騰

百和之香翠竦流金風炬祭千枝之麗雲笙  
九奏風磬三成爲敷萬一之忱庸聽百千之  
悃臣不勝虔切俟命之至

亞獻

重稱法位

育八

具位臣某與臨壇官衆等謹同誠上啓

四

三清上聖十極高真圓穹之帝后仙真雷霆  
之曹僚主執醮壇內外一切真靈臣聞天監  
下民每察不識不知之地民事上帝惟通無  
聲無臭之天仰觀帝令之嚴俯詢民情之正

囊封朝奏旣寂感以雲從朝騎夕馳諒潛昭  
而雷動今齋官某爲民請命祈晴霽之肆開  
荷帝垂情獲雨陰之頓解三生心佩百拜顏  
歡更願始自今朝終繇他日恒陽應節薄霽  
烘晴絕稊稗以養良苗坐看成實去螟蝗而  
滋嘉穀立見凝堅農夫刈穗以登場饁婦拾  
麻而歸室歡生桑梓喜溢蓬茅多黍多稌饘  
粥夷猶於樂歲積倉積廩餼糧鬱勃於豐年  
蒙仰懇祈允臻福祐次願齋官某精神舒暢  
步武掀明八節四時永不干於地癘五運六

氣常勿觸於天災庭羅蘭桂之芳堂列椿萱  
之盛臣等神凝偃月洞玄室於九還氣運回  
風朝黃庭於七返宴坐則瓊章妙感經行則  
瑤牒傳熙鳳陞承顏幸宣符於龍尾駕班綴  
武期同德於獅頭疾御炁以升神即登真而  
百八  
駕景拳拳有禱切切無違上願宇宙廓清乾  
坤寧泰曦璘煥朗風雨均調天曜景星映靈  
光於七政地垂甘露凝和炁於百昌禾生同  
穎以呈祥麥秀兩岐而薦瑞放牛歸馬極六  
合以兵銷儀鳳獲麟廓八紘而治定三途罷

對五苦停輪臣不勝虔懇之至

終獻

具位臣某謹重誠上啓

三清上聖十極高真圓穹之帝后仙靈雷霆  
之曹僚主執三界內外一切真靈臣聞儀不

及物獻酬已罄於三周情見乎辭奠饗幸殫  
於一念以今參橫斗轉夜炁無塵月淡河清  
宵輝有耀玉磬飄飄而息韻金鐘掩藹以收  
音萬乘戒嚴諸天復位歲蕤月駟旁旋洞府  
以高征搖曳雲龍俯徹蒼冥而下運里社列

職各返攸司臣等控挽無從瞻戀徒切下情  
不勝感激俟命之至謹稽首再拜奉送

回輶頌

存神燒香

香官使者左右龍虎君侍香諸靈官當令臣

設醮行道之所自然生金液丹碧芝英百靈  
衆真交會在此香火爐前令臣學道得道求  
仙得仙天日晴明萬物咸亨十方仙童玉女  
侍衛蘭煙傳臣向來所啓速達逕御

太上无極大道至真玉皇上帝御前

寶華號

焚燎

向來

靈寶領教濟度金書卷之二百四十九

育八

六

靈寶領教濟度金書卷之二百五十

洞微高士開光救苦真人審全真授

靈寶通玄弘教水南先生林靈真編

科儀立成品祈晴用

官將設醮儀

步虛

灑淨

宣衛靈呪

五星列照 煥明五方 水星却災 木德致昌  
熒惑消禍 太白辟兵 鎮星四據 家國利亨  
名刊玉簡 字錄帝房 乘飈散景 飛騰太空  
出入幽冥 遊宴十方 五雲浮蓋 招神攝風  
役使萬靈 上衛仙翁 和與道合 眞

各稱法位

具位 某等 謹焚香上啓

聖位

隨法師平日所用  
諸司雷將列請

伏聞元始開圖 煥金



書於碧落虛皇御運呈玉宇於玄虛布令設  
風雨之曹宣德藉雷霆之局大而江河淮海  
微而潭洞溪源各有神司共揚帝政常暘常  
雨鼓六炁以無私時陰時陽妙五行而有慶  
皆玄穹密施於橐籥故黃垓潛預於權衡有  
翼有嚴惟影惟響今齋官某仰瞻淫雨莫際  
晴明行道建齋懺愆尤於已往燒香請福祈  
開霽於方來靖惟燮理之司宣藉裁成之任  
受陳淪祭肅輅飈游伏望風馬雲車泛靈光  
而來下月龍煙駟乘梵炁以遙臨電閃爍而

群陰頓除霆振搖而積雨攸息共臨壇墀恪  
副徼迎其不勝瞻望之至謹稽首再拜祇迎  
神馭

請聖

初獻

重稱法位

具位姓某與臨壇官衆等謹焚香上啓

雷霆九司列職真宰城隍里社廟貌神祇醮  
筵內外無鞅數衆伏聞天施地生水旱允繇  
於帝力陽闔陰闔歎豐亶藉於神休共惟曹  
僚夙稟威武走風雲而馳六合劔履陸離御

雷霆而遍九垓旌旗赫奕火令前驅於部伍  
皂纛後從於編禪山嶽動搖江河凌壓與城  
隍里社之祀典暨遠近廟貌之正神各驅雷  
車共承靈令皆承宣於帝化庸翊贊於天工  
今齋官某矜彼淫霖未逢陽曜已修齋而請  
命更懺罪以祈恩茲奉宴筵爰鋪醮席奠真  
靈之默相更神聖之潛扶捲此濃陰開八荒  
之霽色止茲淫雨成四時之清明庶老農忘  
力穡之勤俾田畯有省歛之望無涯懇禱有  
截皈依其不勝虔切俟命之至

齊明帝亞獻

具位姓某與臨壇官衆等謹焚香上啓  
雷霆九司列職真宰城隍里社廟貌神祇醮  
筵內外無鞅聖衆伏聞天高地下祈百穀之  
資生陽降陰升幸三農之成始儻時今未調

育八

八

於玉燭則歲功曷慶於金穰當茲霖潦之浸  
淫況復雲雷之振動簷聲苦注巖瀑如流非  
假帝造之垂憐安俾民心之曲遂更陳菲禮  
庸寓葵衷欲望彌命群真指揮將帥收雨陣  
於頃刻紅日陸離息雷聲於須臾絳霞蒨粲

不崇朝而山林霧隱未詰旦而溪澗波澄鳩  
無逐婦之憂燕有將雛之喜築場納稼收十  
全而春籩盈盈入廩藏禾備九年而刈獲粲  
粲含哺動色鼓腹舒誠蒙如叩請之祈嘉拜  
矜憐之造其不勝虔切之至

終獻

重稱法位

具位姓某與臨壇官衆等謹焚香上啓

雷霆九司列職真宰城隍里社廟貌神祇醮  
筵內外無鞅聖衆伏聞惟德其物幸奠獻之

三周以實匪文愧衷誠之一露以今星河初  
轉月漢將旋縹緲靈光已在清虛之表籠葱  
佳氣行歸碧落之中風駟宵馳煙虬夕動某  
等無階控挽惟切瞻馳升車之恩恪祈昭監  
某不勝感激之至謹稽首再拜奉送

育八

九

回駟頌

焚燎

向來

靈寶領教濟度金書卷之二百五十共卅

